

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Meditationum evangelicarum volumen tripartitum

Creidius, Hartmann

Francofurti ad Moenum, 1682

Exegesis

[urn:nbn:de:bsz:31-122776](#)

Dominica XIII. post Trinitatis.

& serviamus Deo in justitia & sanctitate,
quæ ipsi grata est, Luc. i. v. 75.

Omnia etiam bene faciet in *extremo die*,
quando resuscitabit nos ex pulvere terra, &
in nubibus cœli sibi in occursum rapiet, ut
simus apud ipsum omni tempore, i. Thess. 4.
v. 17. ibi demum verè canemus cum omni-

bus angelis & electis coram throno Dei:
Omnia bene fecit, & magnalia Dei depra-
dicabimus in sempiterna secula, quod tan-
dem concedat nobis Christus Iesus per &
propter nominis sui suavitatem
& pretiositatem,

Amen.

Dominica XIII. post Trinitatis.

Evangelium Luc. 10. v. 23.37.

DE Salomone dicitur i. Reg. 10. v. 1.
seqq. quod fama ipsius ad Reginam
divitis Arabia pervenerit, quam
Christus Matth. 12. v. 42. Reginam Austri
vocat. Cumque illa Hierosolymam profe-
cta auditet sapientiam Salomonis, & vide-
ret domum quam ædificaverat, & cibos
mensa ejus & habitacula servorum, & or-
dines ministrantium & eorum vestes, &
pincernas, & holocausta, quæ offerebat in
domo Domini, dixit ad Regem: Major est
sapientia tua & bonum, quam rumor quem
audivi, beati viri tui, & beat servi, qui stant
coram te semper & audiunt sapientiam
tuam.

Amplius certè & honorificum encomi-
um, quo Satrapæ & ministri Salomonis au-
lici à Regina Sabæa ornati & commendati
sunt. Sed hic plus quam Salomon, Matth.
12. v. 42. nimirum ipsa Patris cœlestis sapi-
entia, Christus Iesus. Is longe majori jure
beatos prædicat Apostolos, quod videant &
audiant, quæ multi Reges & Prophetæ vi-
dere & audire voluerint, nec tamen vel vi-
dere vel audire potuerint. Sapientiam vero
suam ex eo commendat, quod ad quæstio-
nem magni alicujus Legisperiti legem de

diligendo Deo & proximo egregiâ de Sa-
maritano parabolâ ita explicat, ut Legisper-
itus rubore suffusus nihil inveniat, quod ipsi
tegerere possit.

Videbimus Evangelium ipsum, cuius
summa duobus membris constat:

- I. est Beatitudinis depra-
dicatio.
- II. Vera legis interpretatio.

J.J.

EX E G E S I S.

Cum Israelite castrarentur in Eli,
reperiebant ibi 12. fontes, & 70. pal-
mas, Exod. 15. v. 27. Per duodecim fontes
præfigurati sunt duodecim Apostoli, per
palmas autem 70. discipuli, quos Christus
præter Apostolos ad prædicandum Evange-
lium emiserat. His cum gaudio revertenti-
bus & prosperum succelsum indicantibus,
Christus gratias agit Patri cœlesti, quod ab-
sconderit regni sui mysteria sapientibus &
prudentibus, ac patvulis eadem revelaverit,
inde convertitur ad discipulos suos, & bea-
tos hoc nomine ipsos prædicat, quod talia
videant & audiant, quæ multi Prophetæ &
Reges voluerunt videre & audire, sed ea nec
viderunt nec audierunt.

Consideranda igitur hic nobis occurunt
i. Deside-

1. *Desiderium antiquorum*, Patriarcharum videlicet, Prophetarum, Regum & aliorum Sanctorum, quo tempus Messiae expectarunt, quod quam ardens fuerit, Scriptura in multis locis abunde testatur. Eva inquit: acquisivi virum Dominum, Gen. 4. v. 1. Lamech de Noacho: Ille nos consolabitur, Gen. 5. v. 29. Jacob Patriarcha: Salutare tuum expecto Domine, Gen. 49. v. 18. David Rex: Quis dabit ex Sion salutem? Ps. 14. v. 7. Elias Rorate cœli desuper, c. 45. v. 8. de Abrahomo dicit Christus, quod exultaverit videre diem suum, Ioh. 8. v. 56. & Petrus de omnibus Prophetis idem enunciavit, i. c. i. v. 10. ii. Nos pari ratione desideremus secundum Christi adventum. In eo siquidem videbimus Christum venientem in nubibus cœli cum gloria magna, Matth. 24. v. 30. & opus redempcionis, quod in primo adventu inchoavit, illud tuac plenè perficeret, unde vocatur dies redempcionis, Luc. 21. v. 28. Quemadmodum Apostoli verbum vitæ contemplati sunt, i. Joh. 1. v. 1, ita tunc Christum à facie ad faciem videbimus, i. Cor. 13. v. 12. stabimus coram ipso quotidie, & audiemus sapientiam ejus, quam hic oculus non vidit, & auris non audivit, i. Cor. 2. v. 9. suspireremus igitur cum sponsa Christi singulis horis & momentis: Veni Domine Jesu, veni, Apoc. 22. v. 17. 20.

2. *Prerogativa Apostolorum*. Vos videtis, inquit Christus, vos auditis, quæ multi Reges & Prophetæ nec videre nec audire potuerunt. O beatos igitur & iterum beatos, qui tam exoptato tempore vivitis.

Videmus hinc, in quo vera beatitudo consistat. Epicurai summam felicitatem ponunt vel in deliciis, ut Sap. 2. v. 6. 7. vel in divitiis, ut Ps. 144. v. 13. vel in gloria nominis, ut Nebucadnezar, Esa. 14. v. 13. 14.

sed hæc omnia fluxa sunt & caduca. Vanitas, vanitatum & omnia vanitas, Eccl. 1. v. 2. Christus igitur, qui unicus Magister est, Matth. 23. v. 10. quem Pater jussit audiari, Matth. 3. ver. 17. docet hoc loco veram beatitudinem non consistere in rebus terrenis & fallacibus, sed in visione Christi, & beatos prædicant, non qui multos habent aurum & argentum acervos, non qui in honorum & dignitatuum eminentia constituti sunt, non qui deliciis & voluptatibus indulgent, sed qui habent illuminatos oculos cordis, ut Christum videant, & pro Salvatore suo agnoscant, Joh. 17. v. 3. Jer. 9. v. 23. Sap. 15. v. 3.

Ad corporalem visionem requiritur

1. *Organum rectè dispositum*, h. e. oculi sani & aperti. Lippientibus enim & clausis oculis nihil aut parum videtur. Talis oculus in spirituali visione Christi est fides, hinc Episcopus Laodicensis cœcus pronunciatus, & oculus collyrio inungere jubetur, quia fide salvificâ carebat, Apoc. 3. v. 18. sicut igitur vulnerati Israelitæ in deserto mortuæ serpentum igneorum, convalescebant statim, si æneum serpente intuebantur, Num. 21. v. 9. Ita filius hominis exaltatus est in cruce, ut omnis, qui oculum fidei in ipsum dirigit, non pereat, sed habeat vitam æternam, Johan. 3. v. 14.

2. *Medium lucidum*, quod est aëris vel aquæ, per solida enim visio nō fit, sed per corpora illa tenuia beneficio solis oculi penetrant. Habemus & nos tale medium, ad Christi intuitum satis accommodum, quod nihil aliud est, quam clarum & lucidum Dei verbum, Ps. 19. v. 9. in hoc lumine videmus lumen, Ps. 36. v. 10. conf. 2. Pet. 1. v. 19. oportet igitur nos sequi lucem verbis, si Christum videre expetimus, Hoc testatur de ipso Joh. 3. vers. 35.

3. *Equæ*

3. *Æquè distans objectum.* Non videtur res, quæ vel nimis vicina, vel nimis remota est oculis: Ita si Christum velutum intruerit Apostolis, servanda est proportio, ne habeamus ipsum vel nimis remotum, vel nimis propinquum, Semotus est, si in peccatis vivimus, Prov.15. v.29. El.59. v.2. iimis propinquus autem fit, si propriis viribus ad ipsum accedere, & nos ipso convertere præsumamus, nam ex nobis ipsis sufficiens non sumus, 2. Cor.3. verl.5. sed solus Deus est qui nos trahit & convertit, Johan.6.v.44. Jer.31. v.18.19. sicut igitur visio corporalis fit per receptionem objecti visibilis: Ita nos oportet Christum per fidem recipere, ut in cordibus nostris habitet, Eph.3.v.17.

Hæc est spiritualis visio, sed ænigmatica tantum, & fit quasi per speculum, 1. Cor. 13. verl.12. & tanquam in somno, ut Jacobus scalam coeli vidit, Gen.28. verl.12. veniet autem tempus, quo videbimus ipsum sicut est, 1. Johan.3. verl.2. Hoc suspiremus, sicut cervus ad rivos aquarum, ingemiscentes cum Davide: Ah quando veniam, & apparebo ante faciem tuam? quando video Deum meum, quem sit anima mea, Ps.42. verl.3.

De Secundo.

Fuit pars prima, sequitur altera, quæ *veram legi interpretationem* complectitur, ubi duo ponderanda veniunt:

1. *Legisperiti questio*, quæ est

1. *Captiosa*, venit enim ut tentaret Christum, inquit Evangelista, sperans se talem responsonem à Christo elicitorum, quæ legi adversetur, unde odium & invidia Christo concilietur. Tales inflati hypocritæ inter literatos præsertim multi inveniuntur, qui non querunt ut discant, sed ingenium suum

ostentent, & ignominie notam aliquam proximo affracent. Sed maledictus omnis dolosus, Mal.1. vers.14. Sagittæ fraudis in verticem sagittantis redibunt, Sir.27. verl.28. 29.30.

2. *Ponderosa.* Nam Magister, inquit, quid faciam, ut vitam æternam consequar? Ita nos quoque in id sedulò incumbere debemus, ut rationem consequendi vitam æternam addiscamus, cum enim in hac vita omnia sint caduca & transitoria, siquidem peregrini sumus & hospites, non habentes hic manentem civitatem, Ebr.13. v.14. de eo potissimum solliciti esse debemus, ut ex hac vita decedentes perveniamus ad eum, cuius annū non deficiunt, Psalm.102. verl.28. & mansionem inveniamus, quæ manufacta non est, sed æternū perdurat in cœlis, 2. Cor. 5. v.1.

II. *Christi responsio*, quæ est

1. *Mosaica.* Quia enim faciendo consequi volebat vitam æternam, ad legem ipsum Christus remittit, quid scriptum est, inquit, in lege? quomodo legis? Ecum ille legis sumam recitat ex Mose Deut. 6. verl.5. Levit.19. v.13. approbat Christus hanc resolutionem, & breviter absolvit: Hoc fac, & vives. Verum quidem est & manet hoc axioma: Quicunque facit omnia, quæ scripta sunt lege, vivet in eis, Lev.18. verl.5. sed quis est, qui perfectionem illam legis assequi possit? Ah nemo ex omnibus, sumus enim peccatores ad unum omnes, & gloriæ Dei egemus Rom.3. v.23. Moses dedit nobis legē, sed nemo facit, Joh.7. v.19. Dum igitur Christus hunc operum fiduciā turgidum Legisperitum ad legem remittit, eo ipso ad agnitionem sui eum deducere tentat, ut in seipsum descendat, & quantum à perfecta legis observatione adhuc absit, perficiat. Ali-